

草廬三顧出師二表志復中原天日皎皎

諸葛忠武侯贊

劉惟德

嗟矣漢之失鹿得南陽之臥龍遂扶三分之國於天下復立八陣之圖於蜀中忠精貫日義氣吐虹爲一朝之雋傑邁千古之英雄出師獻表方陳要略休兵千屯欲建大功雖云魏吳之主在智謀自謂超于管仲樂毅脫使湯武之君出其才實可配於伊尹周公噫爲臣盡忠希公之蹤

猗歟武侯德侔三代抱膝長吟孰易其介自都將相孰以爲秦轉危爲安以小擊大雖嫌不辭之死靡懈人雖云亡不亡者在

三國名臣頌贊

袁宏

道藏輯要

忠武侯集贊

袁

星集六
川文

頌曰孔明盤桓俟時而動遐想管樂遠明風流治國以禮人無怨聲刑罰不濫沒有餘泣雖古之遺愛何以加茲及其臨終顧託受遺作相劉后授之無疑心武侯受之無懼色繼體納之無貳情百姓信之無異辭君臣之際良可詠矣

贊曰堂堂孔明基宇宏邈器同生民獨稟先覺標榜風流遠明管樂初九龍盤雅志彌確百六道喪干戈迭用苟非命世孰掃雰雰宗子思甯薄言解控釋褐中林鬱爲時棟

祭文

祭諸葛忠武侯文

維嘉靖十八年歲次己亥三月己巳朔越初八丙子

大明皇帝遣駙馬都尉鄔景和禮部侍郎

諭祭于漢忠武侯諸葛亮曰養高隆中非三顧不起戮力王室拜二表乃行觀其禔孟德走仲達孔明其人豪也歟惜乎將星殞地中道而殂漢遂不振皆天也非人之所能爲也表忠有祠諭祭有儀靈爽不昧尙其歆之

祭漢先主昭烈皇帝丞相諸葛忠武侯文 明蜀王

維洪武二十四年歲次辛未十二月二十八日敢昭告於漢昭烈皇帝漢丞相諸葛忠武侯曰龍興雲從君明臣良曠千載而一遇何會合之不常曰若稽古實惟成湯三聘莘野承筐是將咸有一德革夏爲商歷嬴秦而兩漢孰能襲其遺芳偉中山之

道藏輯要

忠武侯集
祭文

五

星集六
X11X

帝得當羣雄之擾攘噓交燄於寒灰時三顧於南陽情交權於魚水言靡間於關張保岷峨控荆湘三分天下開拓封疆信同心而協力視當代而有光子不仰於休風幸開國於是邦覩闕宮之頽圯歎古栢之荒涼命我將士繚以垣墻屹棟宇之崔嵬煥丹青之焜煌新規模於今日聚精神於一堂告厥成功我心孔臧遣官致祭醜酒封羊惟帝與侯神其洋洋佑我蜀民降福穰穰

春秋制祭

維年月日河南南陽府知府 某 欽奉

朝命致祭於漢丞相諸葛忠武侯之神惟神學術正大出處光